

ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ԾՐԱԳՐԱՅԻՆ ԲՅՈՒՋԵՏԱՎՈՐՄԱՆ ՁԵՎԱԶԱՓՈՎ  
ՊԵՏԱԿԱՆ ԲՅՈՒՋԵԻ ԿԱԶՄՄԱՆ, ԿԱՏԱՐՄԱՆ ԵՎ ՀԱՇՎԵՏՎՈՒԹՅՈՒՆՆԵՐԻ ՄՇԱԿՄԱՆ  
ԾՐԱԳՐԱՅԻՆ ԱՊԱՀՈՎՄԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՊԵՏԱԿԱՆ ԳՆՄԱՆ  
ՊԱՅՄԱՆԱԳԻՐ  
N ՀՀ ՖՆ ՄԱԾԶԲ-18/35

ք. Երևան

30 Գրհ.թ 2018թ.

ՀՀ ֆինանսների նախարարությունը, ի դեմս նախարարության գլխավոր քարտուղարի պաշտոնակատար Վազգեն Հարությունյանի, որը գործում է նախարարության կանոնադրության հիման վրա (այսուհետ՝ «Գնորդ»), մի կողմից, և «ԼՍՈՖՏ» ՍՊԸ, ի դեմս տնօրեն Լարիսա Լալայանի, որը գործում է ընկերության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

1.1 Պատվիրատուն հանձնարարում է, իսկ Կատարողը ստանձնում է ծրագրային բյուջետավորման ձևաչափով պետական բյուջեի կազմման, կատարման և հաշվետվությունների մշակման ծրագրային ծառայությունների ապահովման պարտավորությունը (այսուհետ՝ ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**2.1 Պատվիրատուն իրավունք ունի՝**

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը:

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն:

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը:

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը:

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

**2.2 Պատվիրատուն պարտավոր է՝**

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

**2.3 Կատարողն իրավունք ունի՝**

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

**2.4 Կատարողը պարտավոր է՝**

2.4.1 Պայմանագրի N 1 հավելվածով սահմանված պայմաններով ապահովել ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

### **3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ**

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1) և հանձնման-ընդունման արձանագրության 2 օրինակ (հավելված N 3):

3.2 Հանձնման-ընդունման արձանագրությունն ստորագրվում է, եթե մատուցված ծառայությունը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրությունը չի ստորագրվում և Պատվիրատուն՝

ա) հարցի կարգավորման համար ձեռնարկում է նման իրավիճակի համար պայմանագրով նախատեսված միջոցները:

բ) Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.3 Պատվիրատուն հանձնման-ընդունման արձանագրությունը ստանալու օրվան հաջորդող աշխատանքային օրվանից հաշված 15 աշխատանքային օրվա ընթացքում Կատարողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ ծառայությունը չընդունելու պատճառաբանված մերժումը:

3.4 Եթե պայմանագրի 3.3 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.3 կետով սահմանված վերջնաժամկետին հաջորդող աշխատանքային օրը Պատվիրատուն Կատարողին է տրամադրում իր կողմից հաստատված հանձնման-ընդունման արձանագրությունը:

### **4. ՊԱՅՄԱՆԱԳՐԻ ԳԻՆԸ**

4.1. Սույն պայմանագրով Կատարողի մատուցման ենթակա ծառայության գինը կազմում է 30 000 000 (երեսուն միլիոն) ՀՀ դրամ, ներառյալ ԱԱՀ-ն:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 20-ը:

### **5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## 6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## 7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագրի կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել ծառայության օգտագործման պահանջը: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ

Ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից:

7.10 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.11 Սույն պայմանագիրը կազմված է 9 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.12 Սույն պայմանագրի նկատմամբ կիրառվում է Հայաստանի Հանրապետության իրավունքը:

## 8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

### Պ Ա Տ Վ Ի Ր Ա Տ ՈՒ

ՀՀ ֆինանսների նախարարություն

ք. Երևան, Մ. Աղամյան 1

ՀՎՀՀ՝ 02629081

Հ/Հ 900011017192

ՀՀ ՖՆ

ՀՀ ՖՆ գլխավոր քարտուղարի

պաշտոնակատար

Վ. Հարությունյան

(ստորագրություն)

Կ.Տ.

### Կ Ա Տ Ա Ր Ո Ղ

«ԼՍՈՖՏ» ՍՊԸ

ք. Երևան, Փավստոս Բուզանդի փող.,

1/3 շենք, 7-րդ հարկ

ՀՎՀՀ 01202055

Հ/Հ 24100023278500

«Յունիբանկ» ՓԲԸ

Լ.Լալայան

(ստորագրություն)

Կ.Տ.

**ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՑՈՒՅՑ\***

ՀՀ դրամ

| Ծառայության                          |                                                                           |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |                |                        |                  |                                 |                                                  |  |
|--------------------------------------|---------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------|------------------------|------------------|---------------------------------|--------------------------------------------------|--|
| հրավերով նախատեսված չափաբաժնի համարը | գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV) | տեխնիկական բնութագիրը                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                           | չափման միավորը | ընդհանուր գինը/ՀՀ դրամ | ընդհանուր քանակը | մատուցման                       |                                                  |  |
|                                      |                                                                           |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |                |                        |                  | հասցեն                          | Ժամկետը                                          |  |
| 1                                    | 72311130/5                                                                | <p>1. Ծրագրային նոր մուտքային մոդուլների ստեղծում – Քանի որ «LSBudget» ծրագրային համակարգի (այսուհետ՝ Ծրագիր) մուտքային MSExcel ֆայլերը և ներկայիս ԾԲ բյուջետային տեղեկատվությունն ամբողջությամբ հիմնվում է ծրագրերի և միջոցառումների հին դասակարգումների վրա, որտեղ կիրառվում են նաև ոչ թվային դասիչներ, ուստի, Նոր ձևաչափերի ներմուծումը պահանջում է ստեղծել նոր մուտքային MSExcel ֆայլերի, ինչպես նաև Ծրագրում անմիջապես մուտքագրում իրականացնելու մոդուլներ:</p> <p>2. Փոփոխություններ Ծրագրի տեղեկատվությունների մեջ - Անհրաժեշտ է փոփոխություններ կատարել նաև Ծրագրի տեղեկատվության ներկայիս շտեմարանների և տեղեկատվությունների կառուցվածքում, մասնավորապես՝ ավելացնել ԾԲ ծրագրերի և միջոցառումների տեղեկատվություն, ինչպես նաև փոփոխություններ կատարել ներկայիս Ծրագրերի տեղեկատվության մեջ:</p> <p>3. ԾԲ ձևաչափերի և դրանցում առկա տեղեկատվության բովանդակային վերանայումներ – ԾԲ նոր ձևաչափերը որոշակիորեն տարբերվում են նախկին ձևաչափերից թե՛ կառուցվածքային և թե՛ բովանդակային առումով: Եթե նախկինում յուրաքանչյուր միջոցառման տեսակի համար սահմանվում էր առանձին աղյուսակային ձևաչափ՝ տվյալ միջոցառման տեսակին յուրահատուկ տեղեկատվական դաշտերով, ապա նոր ձևաչափերը նույնական են բոլոր տիպի միջոցառումների համար: Ի լրումն ձևաչափերի կառուցվածքային փոփոխության, որոշակիորեն փոփոխվել են նաև դրանցում առկա տեղեկատվության շրջանակները՝ ավելացել են նոր բաղադրիչներ (օրինակ՝ ծրագրի նպատակը), ինչպես նաև փոփոխվել է ոչ ֆինանսական տեղեկատվության</p> | դրամ           | 30000000               | 1                | վայր՝ ք. Երևան, Մելիք-Սդանյան 1 | Պայմանագիրն ուժի մեջ մտնելուց մինչև 20.12.2018թ. |  |

ներկայացման ժամանակահատվածը (ներկա-յիս պլա-նային ցուցանիշների հետ պահանջվում է ներկայացնել նաև դրանց նախորդ տարվա փաստացի, տվյալ տարվա սպասողական և միջոցառման ավարտի դրությամբ ցուցանիշները): Միաժամանակ, ավելացել են նաև նոր աղյուսակներ, որոնք նախկինում չեն եղել: Օրինակ՝ վերջնական արդյունքների վերաբերյալ հավելվածները: Վերոհիշյալ փոփոխությունները պահանջում են ոչ միայն ստեղծել վերոնշյալ նոր մուտքային MSExcel ֆայլերի մոդուլներ, այլ նաև նոր բյուջետային ելքային հաշվետվություններ:

4. Բյուջեում փոփոխությունների և վերաբաշխումների իրականացում - «LSBudget» ծրագ-րային համակարգում ԾԲ տեղեկատվությունը ավտոմատ կերպով կապակցված չի բյուջետային դասակարգումների համապատասխան տեղեկատվության հետ: Արդյունքում, օրինակ, ֆինանսական ցուցանիշների փոփոխությունը տնտե-սագիտական կամ գործառական դասակարգումներում ավտոմատ կերպով չի հանգեցնում ԾԲ համապատաս-խան միջոցառումների ֆինանսական ցուցանիշների փոփոխությանը համակարգում: Վերոնշյալը պահանջում է Ծրագրում նշված կապերն ապահովող տեղեկատվությունների ներմուծում, նպատակ ունենալով նույնականացնել Ծրագրային դասակարգման «միջո-ցառումները» գործառական դասակարգման «ծրագրերի» հետ:

Հաշվի առնելով այն հանգամանքը, որ ոչ բոլոր դեպքերում է հնարավոր ապահովել «ԾԲ միջոցառում - ֆունկցիոնալ դասակարգում» միանշանակ կապը, անհրաժեշտ է այդ կապում ներառել նաև պատասխանատու և կատարող գերատեսչության կողերը:

5. Միջոցառումների իրականացման համար պատասխանատու-կատարող պետական մարմինների վերաբերյալ տեղեկատվության տարանջատում և ներմուծում - Ներկայումս Ծրագրում չի նախատեսվում պետական մարմնի պատասխանատու-կատարող տարանջատումը: ԾԲ վերանայված մեթոդաբանու-թյամբ պահանջում է, որ բյուջետային ծրագրերից յուրաքանչյուրի համար սահմանվի ծրագրի իրականացման համար և՛ պատասխանատու, և՛ կատարող գերատեսչություն: Միջոցառումների իրակա-նացման համար այդ նոր մակարդակների սահմանումը

|  |  |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                           |  |  |  |  |  |
|--|--|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--|--|--|--|--|
|  |  | <p>կպահանջի Ծրագրում որոշակի փոփոխությունների իրականացում, այդ թվում՝ տվյալների շտեմարանների, տեղեկատվության և բյուջետային ելքային հաշվետվությունների մասով:</p> <p>«ԳԳՕ» և «Քլիենթ-Թրեժրի» համակարգերում անհրաժեշտ փոփոխությունները՝</p> <p>6. Ապահովել «LSBudget» ծրագրային համակարգից ծրագրային բյուջետավորման (այսուհետ՝ ԾԲ) ձևաչափով հաստատված բյուջեի և եռամսյակային համամասնությունների տվյալների՝ պլանային սահմանաքանակների ներմուծումը «ԳԳՕ» ծրագրային համակարգ (այսուհետ՝ Ծրագիր) էլեկտրոնային եղանակով:</p> <p>7. Ապահովել «LSBudget» ծրագրային համակարգից ԾԲ ձևաչափով տվյալների՝ պլանային սահմանաքանակների փոփոխությունների ներմուծումը Ծրագրի էլեկտրոնային եղանակով՝ առցանց ռեժիմում:</p> <p>8. Ստեղծել նոր ԾԲ ծրագրերի և միջոցառումների տեղեկատվություն՝ ապահովելով «LSBudget» ծրագրային համակարգից յուրաքանչյուր փոփոխության ներմուծում Ծրագրի նշված տեղեկատվություն էլեկտրոնային եղանակով՝ առցանց ռեժիմում:</p> <p>9. Ստեղծել հնարավորություն ծախսային հաշիվներին ամրագրելու՝ արտացոլելու ԾԲ միջոցառումների իրականացման համար պատասխանատու և կատարող պետական մարմիններին:</p> <p>10. «Քլիենթ-Թրեժրի» համակարգում պատասխանատու պետական մարմինների համար ապահովել հնարավորություն անհրաժեշտության դեպքում առցանց արգելափակելու իրենց պատասխանատվության տակ գտնվող ծրագրերի միջոցառումների իրականացման համար կատարող հանդիսացող պետական մարմինների ծախսային հաշիվներից դեբետային գործարքները:</p> <p>11. Ծրագրի «Ընտրում» և «Որոնում» պատուհանները լրամշակել՝ դրանցում ներառելով նաև ԾԲ միջոցառումների իրականացման համար պատասխանատու և կատարող պետական մարմիններին:</p> <p>12. Ծրագրում ստեղծել հնարավորություն բյուջետային հաշվետվությունները ձևավորելիս՝ կիրառել ընտրում նաև ըստ ԾԲ միջոցառումների իրականացման համար պատասխանատու և կատարող պետական մարմինների:</p> <p>Հաշվետվությունների LSREP համակարգում անհրաժեշտ</p> |  |  |  |  |  |
|--|--|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--|--|--|--|--|

|  |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                  |  |  |  |  |  |
|--|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--|--|--|--|--|
|  | <p>փոփոխությունները՝</p> <p>1. Ստեղծել ծրագրային բյուջետավորման ձևաչափի նոր տեղեկատուներ:</p> <p>2. Ծրագրի պատասխանատու մարմնի (այսուհետ՝ ԲԳԿ-ի) կողմից՝ ծրագրային բյուջետավորման ձևաչափով հաշվետվությունների ստացում տվյալ ծրագրի միջոցառումները կատարող պետական մարմիններից և հաշվետվությունների ներկայացում ՀՀ ֆինանսների նախարարություն:</p> <p>3. Բոլոր պատուհաններում ստեղծել հաշվետվություններն ըստ ծրագրի և միջոցառման դիտելու, ինչպես նաև ուղղումներ կատարելու հնարավորություն:</p> <p>4. LSREP տպելու ծրագրում ստեղծել հնարավորություն ստանալ տվյալները՝ ըստ ծրագրի պատասխանատու պետական մարմնի, ծրագրի, միջոցառման, միջոցառումը կատարող պետական մարմնի, գործառական և տնտեսագիտական դասակարգումների, ինչպես նաև ոչ ֆինանսական ցուցանիշների:</p> <p>5. Օրենսդրական պահանջներից ելնելով՝ ստանալ անհրաժեշտ հաշվետվությունները, մասնավորապես՝ պահուստային ֆոնդի վերաբերյալ, ինչպես նաև վերլուծության համար անհրաժեշտ համեմատական աղյուսակները:</p> <p>6. Հաշվետվությունների համար բազայում առկա տեղեկատվության, մասնավորապես՝ հաստատված և ճշտված պլանային, ֆինանսավորման և դրամարկղային ծախսերի վերաբերյալ ցուցանիշների ստացումն ըստ ծրագրային բյուջետավորման ձևաչափի:</p> |  |  |  |  |  |
|--|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--|--|--|--|--|

Պ Ա Տ Վ Ի Ր Ա Տ ՈՒ  
ՀՀ ֆինանսների նախարարություն

ք. Երևան, Մ. Ադամյան 1

ՀՎՀՀ՝ 02629081

Հ/Հ 900011017192

ՀՀ ՖՆ

ՀՀ ՖՆ գլխավոր քարտուղարի  
պաշտոնակատար

(ստորագրություն)  
Կ.Տ.

Վ. Հարությունյան

Կ Ա Տ Ա Ր Ո Ղ

«ԼՍՈՖՏ» ՍՊԸ

ք. Երևան, Փավստոս Բուզանդի փող.,

1/3 շենք, 7-րդ հարկ

ՀՎՀՀ 01202055

Հ/Հ 24100023278500

«Յունիքանկ» ՓԲԸ

(ստորագրություն)  
Կ.Տ.

Լ.Լալայան

### ՎՃԱՐՄԱՆ ԺԱՄԱՆԱԿԱՑՈՒՅՑ\*

| Ծառայության                          |                                                                           |                                                                                                                                      |                                                                               |         |      |       |       |        |        |         |           |           |          |           | ՀՀ դրամ   |
|--------------------------------------|---------------------------------------------------------------------------|--------------------------------------------------------------------------------------------------------------------------------------|-------------------------------------------------------------------------------|---------|------|-------|-------|--------|--------|---------|-----------|-----------|----------|-----------|-----------|
| իրավերով նախատեսված չափաբաժնի համարը | գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV) | անվանումը                                                                                                                            | դիմաց վճարումները նախատեսվում է իրականացնել 2018թ-ին՝ ըստ ամիսների, այդ թվում |         |      |       |       |        |        |         |           |           |          |           |           |
|                                      |                                                                           |                                                                                                                                      | հունվար                                                                       | փետրվար | մարտ | ապրիլ | մայիս | հունիս | հուլիս | օգոստոս | սեպտեմբեր | հոկտեմբեր | նոյեմբեր | դեկտեմբեր | ԸՆԴԱՑՆԸ   |
| 1                                    | 72311130/5                                                                | Ծրագրային բյուջետավորման ձևաչափով պետական բյուջեի կազմման, կատարման և հաշվետվությունների մշակման ծրագրային ապահովման ծառայություններ |                                                                               |         |      |       |       |        |        |         |           |           |          | 30000000  | 300000000 |

\* Վճարման ենթակա գումարները ներկայացվում են աճողական կարգով:

**Պ Ա Տ Վ Ի Ր Ա Տ ՈՒ**  
ՀՀ ֆինանսների նախարարություն  
ք. Երևան, Մ. Ադամյան 1  
ՀՎՀՀ՝ 02629081  
Հ/Հ 900011017192  
ՀՀ ՖՆ

ՀՀ ՖՆ գլխավոր քարտուղարի  
պաշտոնակատար

Վ. Հարությունյան  
(ստորագրություն)  
Կ.Տ.



**Կ Ա Տ Ա Ր Ո Ղ**  
«ԼՍՈՖՏ» ՍՊԸ

ք. Երևան, Փալատոս Բուզանդի փող.,  
1/3 շենք, 7-րդ հարկ  
ՀՎՀՀ 01202055  
Հ/Հ 24100023278500

«Յունիբանկ» ՓԲԸ

Լ.Լալայան  
(ստորագրություն)  
Կ.Տ.

